

KJKP "RAD" d.o.o. SARAJEVO
-DIREKTOR-

Broj: 05-03-04- /18
Sarajevo, 09.07.2018. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor Preduzeća donosi:

O D L U K U
o izboru najpovoljnijeg ponuđača za nabavku destilatora LOT 2

I

Najpovoljniji ponuđača za nabavku destilatora LOT 2 je firma **MPS Lab d.o.o. Sarajevo**.

O B R A Z L O Ž E N J E

KJKP "RAD" d.o.o. Sarajevo je dana 20.06.2018. godine na portalu javnih nabavki BiH objavio Obavještenje o nabavci kroz konkurentski postupak za izbor najpovoljnijeg ponuđača za nabavku destilatora LOT 2, sa rokom dostave ponuda 06.07.2018. godine.

Po pokrenutom postupku za nabavku destilatora pristigle su 4 (četiri) ponude i to ponude firmi: **MPS Lab d.o.o. Sarajevo, Euro Lab d.o.o. Bijeljina, Sineks Laboratorija d.o.o. Banja Luka i KEFO d.o.o. Istočno Sarajevo**.

Komisija za nabavku je u toku provođenja konkurentskog postupka i nakon detaljnog pregleda dostavljene dokumentacije utvrdila sljedeće:

- Ponuđač **MPS Lab d.o.o. Sarajevo** je dostavio svu potrebnu dokumentaciju i ponudio cijenu u iznosu od: 3.600,00 KM bez PDV-a, te je ova ponuda ocijenjena kao **potpuna i prihvatljiva**.
- Ponuđač **Euro Lab d.o.o. Bijeljina** nije dostavio svu potrebnu dokumentaciju i to dokaze o uredno izvršenim ugovorima za nabavku destilatora u prethodne 2 (dvije) godine, a koji su traženi tenderskom dokumentacijom pod tačkom 11.3. Tehnička i profesionalna sposobnost (tačka c), te je ova ponuda ocijenjena kao **nepotpuna i neprihvatljiva**.
- Ponuđač **Sineks Laboratorija d.o.o. Banja Luka** je ponudio destilator dimenzija 280x250x490 mm, priključak od 2 kW, dok je tenderskom dokumentacijom tražen distilator minimalnih dimenzija 620x330x460 mm sa priključkom od minimalno 3 kW, također ponuđač nije priložio garanciju za destilator od minimalno 1 (jedne) godine, te je iz navedenih razloga ova ponuda ocijenjena kao **neprihvatljiva**.
- Ponuđač **KEFO d.o.o. Istočno Sarajevo** je ponudio destilator dimenzija 540x290x420 mm, priključak od 1,5 kW, dok je tenderskom dokumentacijom tražen distilator minimalnih dimenzija 620x330x460 mm sa priključkom od minimalno 3 kW, te je iz navedenih razloga ova ponuda ocijenjena kao **neprihvatljiva**.

*Obzirom da se radi o konkurentskom postupku javne nabavke kojim nije previđeno sklapanje Okvirnog sporazuma a da je broj prihvatljivih ponuda jedan (1), cijeneći budžet ugovornog organa određen za nabavku predmeta javne nabavke, Komisija daje preporuku Ugovornom organu da u skladu sa članom 69. stav 1. tačka a) Zakona o javnim nabavkama BIH prihvati ponudu ponuđača **MPS Lab d.o.o. Sarajevo** kao potpunu i prihvatljivu, budući da je dostavio svu potrebnu dokumentaciju te ponudio cijenu u iznosu od **3.600,00 KM** bez uračunatog PDV-a.*

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

Pouka o pravnom lijeku: Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 5 (pet) dana od dana prijema ove Odluke.

DIREKTOR KJKP „RAD“ d.o.o. Sarajevo
Selim Babić dipl.ing.građ

DOSTAVITI:

- Ponuđačima;*
- Direktor;*
- Komercijalnoj službi;*
- a/a;*